



Broj: 07-06-25-sl/16
Sarajevo, 28.06.2016.godine.

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
-ovdje-

PREDMET: Odgovor na poslaničko pitanje

Na 15. Radnoj sjednici Skupštine Kantona Sarajevo, održanoj dana 30.05.2016. godine u okviru tačke Dnevnog reda "Poslanička pitanja, inicijative i odgovori", zastupnik Edin Forto postavio je zastupničko pitanje:

"Na osnovu člana 106. Poslovnika Skupštine Kantona Sarajevo ("Sl. novine Kantona Sarajevo broj 25/10, 14/11, 19/11, 7712 i 26/12), upućujem pitanje ministru privrede Kantona Sarajevo, a imajući u vidu da na isto pitanje nije odgovorio kada je Klub Naše stranke isto uputio usmeno na ranijim sjednicama.

Zakonom o vodama (Sl. novine Federacije BiH broj: 70/06) i Zakonom o vodama ("Sl. novine Kantona Sarajevo broj 18/10) vodne naknade se raspoređuju na razne vrste poslova vezano za vodotoke.

Za vodotoke I kategorije-na Kantonu Sarajevo to su Bosna i Željeznica-novci se raspoređuju shodno članu 177 federalnog zakona u sljedećem omjeru:

- 1. U korist proračuna Kantona 45%*
- 2. Agenciji za vode 40%*
- 3. Fondu za zaštitu okoliša Federacije 15%*

Ostali prihodi od vodnih naknada se prikupljaju za vodotoke II kategorije, koji u cjelosti idu u Budžet Kantona Sarajevo. Članom 178. Zakona o vodama Federacije BiH definisano je kako se ovi novci koriste, odnosno uspostavljanje kantonalne institucije koja će raspolagati ovim sredstvima. Na osnovu člana 68. kantonalnog zakona, a u vezi sa članom 177. stav 1. tačka 2. Federalnog zakona, Vlada će na prijedlog Ministarstva privrede i Ministarstva prostornog uređenja i zaštite okoliša usvojiti godišnji plan i program utroška sredstava od vodnih naknada.

Molim da mi se dostavi informacija kako su se raspoređivala sredstva u zadnjih pet godina."

Odgovor:

Sredstva koja se prikupljaju po osnovu vodnih naknada prikupljaju se shodno „Pravilniku o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada (Sl. novine Federacije BiH" broj: 92/07). Radi se o namjenskim sredstvima koja se mogu koristiti isključivo za razvoj vodoprivrednog sektora. Neophodno je napomenuti da u oblast vodoprivrede pripada više oblasti i to: vodosnabdijevanje stanovništva i privrede pitkom i tehničkom vodom (vodozahvati, kaptaže, rezervoari, cjevovodi, prekidne komore, postrojenja za pripremu vode-taložnici, filterska



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



postrojenja, hlorne stanice, bazeni za koagulaciju, flotaciju, dezinfekciju i dr postupke prečišćavanja, zatim prikupljanje, odvodnja, prečišćavanje i ispuštanje u recepijente otpadnih voda, zaštita voda od zagađenja, zaštita od štetnog djelovanja voda i leda (poplave), uređenje i čišćenje riječnih korita, korištenje voda u šta spadaju (koncesije na zahvatanje vode u komercijalne svrhe, hidroenergija, sport i rekreacija, kupališta, ribolov, navodnjavanje poljoprivrednih površina), izgradnja irigacionih kanala, obezbjeđenje plovnih međunarodnih i državnih vodnih puteva i pristaništa, kao i finansiranje drugih obaveza koje proizilaze iz međunarodnih sporazuma, domaćeg i EU zakonodavstva, izrada projektnih zadataka i dokumentacije za realizaciju projekata iz oblasti vodoprivrede, provođenje mjera aktivne odbrane od poplava shodno planovima odbrane od poplava (KOP-a i FOP-a), izrada elaborata zaštite izvorišta i finansiranje mjera zaštite i druge aktivnosti.

Iz prethodno navedenog može se zaključiti da se radi o kompleksnoj problematici koja iziskuje dobro organiziran pravni, institucionalni i ekonomski (finansijski) okvir.

Sredstva koja prikupi Kanton Sarajevo, a koja nakon raspodjele shodno članu 177.Zakona o vodama (Sl.novine Federacije BiH broj:70/06) pripadaju Kantonu Sarajevo iznose 45% , što znači da 55% sredstava koristi Federacija BiH za svoje nadležnosti, a ta sredstva su prikupljena u Kantonu Sarajevo. Prema zakonu o vodama u nadležnosti Federacije su vodotoci I kategorije u koje spada rijeka Bosna i Željeznica i izvorišta čiji su kapaciteti veći od10 lit/sec.

Vodotoci I kategorije prema svojoj dužini u odnosu na dužinu svih vodotoka II kategorije su zanemarljivi. (Poznato je da su najveće poplave u Kantonu Sarajevo u Sarajevskom polju na rijeci Bosni).

Također vodosnabdijevanje općina u Kantonu Sarajevo je veoma složeno uzimajući u obzir sve obaveze i probleme koji se moraju riješiti.

Treba napomenuti da Kanton Sarajevo nema uspostavljenu kantonalnu instituciju koja će raspolagati ovim sredstvima i baviti se problematikom vodoprivrede,kako ste naveli u vašem poslaničkom pitanju.

Sredstva koja pripadaju Kantonu Sarajevo nakon raspodjele vodnih naknada (iznos od 45%) realiziraju:

-Ministarstvo privrede samo u dijelu regulacije riječnih korita vodotoka II kategorije, a taj iznos je za proteklih 5 godina je **19%** od sredstava koja pripadaju kantonu,

-Ministarstvo komunalne privrede (Ministarstvo prostornog uređenja-prije) koristi **81 %** sredstava za svoje projekte iz oblasti vodosnabdijevanja stanovništva i privrede pitkom vodom, zatim prikupljanje, odvodnja, prečišćavanje i ispuštanje u recepijente otpadnih voda te zaštitu voda od zagađenja. U nastavku biće dat tabelarni prikaz raspodjele sredstava po godinama.

Program utroška sredstava prikupljenih po osnovu vodnih naknada na prijedlog dva ministarstva (Ministarstva privrede i Ministarstva komunalne privrede i infrastrukture) usvaja Vlada Kantona Sarajevo. Projekti se realiziraju na način da se općinama doznačuju sredstva za kandidirane projekte za koje su prethodno obezbijedile potrebna odobrenja za građenje,projektnu dokumentaciju, a neke općine izdvajaju i svoja sredstva za realizaciju ovih projekata. Nadzor nad realizacijom pojedinačnih projekata vrši Zavod za izgradnju Kantona Sarajevo shodno zaključku Vlade Kantona.Sredstva se doznačuju općinama tek nakon ispostavljenjih situacija potpisanih od strane nadzora. Sredstva koja se ne utroše u tekućoj godini prenose se u narednu godinu i opet raspoređuju programima.

U narednom izlaganju biće dati Programi utroška sredstava od vodnih naknada za 2011, 2012, 2013, 2014 i 2015, godinu, koji su realizirali Ministarstvo privrede i Ministarstvo komunalne privrede (Ministarstvo prostornog uređenja) zajedno sa općinama kojima su sredstva dodijeljena.



web: <http://mp.ks.gov.ba>
e-mail: mp@mp.ks.gov.ba;
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



PROGRAM

utroška finansijskih sredstava za regulaciju i uređenje riječnih korita, vodosnabdijevanje i odvodnju otpadnih voda na području Kantona Sarajevo za **2011.** godinu

A)Projekti Ministarstva privrede za regulaciju riječnih korita- dodijeljena sredstva općinama 1.246.600,00 KM

B) Vodosnabdijevanje i odvodnja otpadnih voda

- Projekti Ministarstva prostornog uređenja i zaštite okoliša dodijeljena sredstva općinama - 3.400.000,00 KM

UKUPNA SREDSTVA ZA PROGRAM: "A" + "B" = 1.246.600,00 + 3.400.000,00= 4.646.600,00 KM

PROGRAM

utroška finansijskih sredstava za regulaciju i uređenje riječnih korita, vodosnabdijevanje i odvodnju otpadnih voda na području Kantona Sarajevo za **2012.** godinu

A)Projekti Ministarstva privrede za regulaciju riječnih korita, dodijeljena sredstva općinama 1.246.600,00 KM

B) Vodosnabdijevanje i odvodnja otpadnih voda

- Projekti Ministarstva prostornog uređenja i zaštite okoliša dodijeljena sredstva općinama - 3.756.400,00 KM

UKUPNA SREDSTVA ZA PROGRAM: "A" + "B" = 1.246.000,00 + 3.756.400,00)= 5.002.400,00 KM

PROGRAM

utroška finansijskih sredstava za regulaciju riječnih korita i zaštitu od poplava, vodosnabdijevanje i odvodnju otpadnih voda na području Kantona Sarajevo za **2013.** godinu.

A)Projekti Ministarstva privrede za regulaciju riječnih korita-dodijeljena sredstva općinama 1.246.600,00 KM

B) Vodosnabdijevanje i odvodnja otpadnih voda

-Projekti Ministarstva prostornog uređenja i zaštite okoliša-dodijeljena sredstva općinama 3.711.800,00 KM

UKUPNA SREDSTVA ZA PROGRAM: A+B= 1.246 000 + 3.711.800,00 KM = 4.957 800,00 KM

PROGRAM

utroška finansijskih sredstava za regulaciju i uređenje riječnih korita, vodosnabdijevanje i odvodnju otpadnih voda na području Kantona Sarajevo za **2014.** godinu

A) Projekti Ministarstva privrede za regulaciju riječnih korita- dodijeljena sredstva općinama 211.200,00 KM

B) Vodosnabdijevanje i odvodnja otpadnih voda

-Projekti Ministarstva prostornog uređenja i zaštite okoliša-dodijeljena sredstva općinama 7.241.400,00 KM

UKUPNA SREDSTVA ZA PROGRAM: A + B= 7.241.400,00 +211.200,00 =7.452.600,00 KM

PROGRAM

utroška finansijskih sredstava za regulaciju i uređenje riječnih korita, vodosnabdijevanje i odvodnju otpadnih voda na području Kantona Sarajevo za **2015.** godinu"

A)Projekti Ministarstva privrede za regulaciju riječnih korita -dodijeljena sredstva općinama 1.295.700,00 KM

B) Vodosnabdijevanje i odvodnja otpadnih voda

-Projekti Ministarstva prostornog uređenja i zaštite okoliša-dodijeljena sredstva općinama 7.241.400,00 KM

UKUPNA SREDSTVA ZA PROGRAM: ;A+B=1.295.700,00 KM+7.241.400,00 KM=7.452.400,00 KM.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Rekapitulacija po Programima od 2011 do 2015. godine

GODINA	Ministarstvo privrede	Ministarstvo komunalne privrede/Prostorno	ukupno
2011	1.246.600,00	3.400.000,00	4.646.600,00
2012	1.246.000,00	3.756.400,00	5.002.400,00 KM
2013	1.246.000,00	3.711.800,00	4.957.800,00
2014	211.000,00	7.241.400,00	7.452.400,00
2015	1.295.700,00	4.192.300,00	5.488.000,00
Ukupno:	5.244.700,00 KM (19%)	22.301.900,00 (81%)	27.547.200,00 KM (100%)

Dostavljeno:

- Naslovu
- Evidencija
- a/a



web: <http://mp.ks.gov.ba>
e-mail: mp@mp.ks.gov.ba;
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

